





Кроссворда хатгараш:

ПХОРАГИА:

2. Барзкъа.
4. Дегла маъже.
6. Хьоца хьоашал дола саг.
8. Из даккха къахъег.
10. Машина тайпа.
11. Коа тIара хъайба.

УРАГИА:

1. ЦIа.
3. Метта поарталца хул из.
5. ХьунагIа дукха хул из.
7. Гуйрийна дуа хIама.
9. Эггара бочагIа вола саг.

Кроссворда дашхаргаш да
15-ча оагIон тIа.

Дошлорг

- Баскилг** (да) – кузнечик.
Гишло (я) – строение.
Дарта (да) – гриф.
Доадолг (я) – божья коровка.
Капам (я) – предложение, фраза.
Когахъухарг (я) – медведка.
Йилбазговр (я) – стрекоза.
Лок (да) – осадок при топлении масла.
Лекъ (я) – перепёлка.
Марта (да) – завтрак.
Цаьпцилг (да) – сверчок.
Чкъайг (я) – галка.
Чугал (я) – гребень.



Детский журнал «Селалад»
(Радуга) №10, 2024 г.

Учредитель:
ГАОУ РИ «Издательский дом
«Сердало».
Издаётся с сентября 1986 года
на ингушском языке.

Зарегистрирован Управлением
Федеральной службы
по надзору в сфере связи,
информационных технологий
и массовых коммуникаций
по Республике Ингушетия.
Регистрационный номер
ПИ № ТУ06 - 00029
от 19 сентября 2019 г.

Главный редактор
Курский И.М.

Художник: Д. Гудантова
Дизайн: И. Курский

Сдано в набор 15.10.2024 г.
Подписано к печати 21.10.2024 г.
Дата выхода в свет 28.10.2024 г.
Формат 60х84 1/8.
Бумага офсетная.
Печать офсетная.
Уч.-изд. л. 2,2.
Тираж 2000.

Адрес редакции и издателя:
386101, Республика Ингушетия,
г. Назрань, пр. И. Базоркина, 60.
Сайт: selaad.ru.
Email: selaad.ri@mail.ru
Телефон: 8 (8734) 77-11-84.

Отпечатано
в ООО «Бланкиздат»,
357600, Ставропольский край,
г. Ессентуки, ул. Никольская, 5.



Цхьоре.
Фото: Т. Агиров



Лекъ

Баъцала ягла ерста лекъ.
Лекъо сона тлараска лекх;
- Хий дий, хургдий, хий дий, хургдий!?

Дла юдоагла Эса, оал аз,
бакъда соцаш яц лекъа оаз:
- Хий дий, хургдий, хий дий, хургдий!?

Хургда, лекъ, хургда, хургда хий,
Дезе - масхам, них, дезе - йий,
яхаргъя хьо, уж ла мелча...
Йола хьоашалгла со волча!



Хьоашаланаъкъан лаъла

Дарта

Шийна даа марта
лехаш
сигала кхест дарта,
лехаш.

Длаъха да цун ткъамаш,
шера;
яжаш йоалла гамаж,
кхера –

шедар а гу цунна...
Бераш
урагла хъеж цунга,
кхераш,

цо шоай лаъхарг лацар.
лех жа.
Гаъзарий а сайцар
яжа...

Кхычахъа гла хъайна,
дарта!
Укхаза-м дац хьона
марта.



Гудантанаъкъан Д. сурташ

Курскенаъкъан Ибрахим


* * *

Йижа улл, теба,
Аргда улл енна.
Тата хезача,
Йод из блубенна.
(Цагача)



* * *

Члугал юулл,
Цун клалха - злок.
Ткъамаш юхъекх цо,
Дуаш мо лок.
(Москва)



* * *

Длаъхача ахканна
Салапар доацаш,
Ба из къахъегаш,
лаи мецлургбоацаш.
(Дакха)

Кроссворда дашхаргаш:

ПХОРАГИА: 2. Кий. 4. Корга. 6. Доттагла. 8. Ахча. 10. «Чайка». 11. Бежан.
УРАГИА: 1. Гишло. 3. Гайба. 5. Дахча. 7. Марта. 9. Нана.



Эзоп

Чкъайги кхокхарчи

Чкъайго зийнад кхокхарч дика кхоабаш хилар, цудухъа царца Іе дага йолаш, ший бедарашта кІай басар даъд цо. Йист ца хулаш, иштта лелаш цхъа ха яккхай цо, кхокхарчашта цох кхокха ба мотташ. Йицъеннача чкъайга «къакъ» аьлча, цун оаз яйзача кхокхарча, хъем ца беш, эккхаяьй из.

Цигара моттиг еха, ший кхоачарле йолча юхаенай чкъайг, бакъда цун бедар кІай хиларах, чкъайгаша дІатІаий-цаяц из. Иштта шин диканна тІехъа-яьннача чкъайгага царех цхъаккха кхаьчадац.

Вай а дицде мегаргдац, долчо кхоачам беш даха дезилга, яккха хиларо цхъаккха пайда бахъац, долаш дола кІезигдар а карардаккхарал совІа.

Борзи газен

Шув йисте яжаш йоалла газа бІаргайинай берза; цунна тІакхача ший низ боацандаь, Іехае хъежай из, лохе Іойос-сар дехащ: цу лакхера цаховш Іойожа а тарлу хьо, лохе сийна бай а эггара чам болашагІа йола баьцаш а я, яхаш. Амма газа-гузилго аьннад:

- Цун бахъан со харцахъа яжаш хилар дац, хьога кер Іехабе хІама доацилга да.

Иштта хул хъакъал дарашта духъала воча наха тийшаболх дагабехача, цар фухха дарах чакхбалац из.

Таржам даьр
Іарчакханаькъан Сали.



Гуданганаькъан Д. сурташ

Нана

Са нана – хозал,
Са нана – дикал.
Со я цо лаятта
Ютаргйоа викал.

Седкъашка хъежа
Бутт санна лелаш,
ЮвргІа мо нийсью
Цо берий кхелаш.

Мог цунна вахар
Сердалах диза,
Нана я дег тІа
Тохийтар зиза.

Овшанаькъан Амина,
Сурхо тІара ООШ,
5 «б» класс.



Хамхой Динай сурт.
гІ. Наьсаре, УЦ «Дийлла дуне».

Са нана

Са нана эггара
ХозагІа хеталу,
Цунцара безам
Са дег чу леталу.

Ноаной безаш хул
Шедолча берашта;
Лоаме езаш мо,
Маьтлоама кхерашта.

Хучбаранаькъан Хъава,
Сурхо тІара ООШ,
5 «б» класс.



Матенаькъан Самирай сурт.
ГКУ «ДХШ».

Мама, ІотІаетта!

Іи мерца дІайха денача ахкан дийнахѡа, доккха хѡалчагІа дар, Даби-Юртарча Сипсой Соалгочун ворхІлагІча воІа саг йоалаш. Хѡалха йоалаш ялх нус, цу коа кхесташ яр; ше-ше нахал тІех я, дикагІа я алийта гІерташ. Цѡабараш шоай хѡинарца, вожаш багенца. ЗІамагІа Лидай нана Софийт а яр, дикагІа йола нус хила гІерташ. Цѡабакѡда, дика шийх бІубенна из гІулакх де йолалушшехѡ, цѡанне хѡаехар из. «Жи, Софийт сихха гІолахѡ, коа наІар тІагІолла Іододача хи тоатолга чу ийккхача Лидас, ше тІоадаяѡ, хІамаш хоттах йизай» - аѡле. Кхозза-диазза мелача хица лувча а йийя, цІенагІа дола барзкѡа тІа а дийхе: «Кхы хи йисте ма гІолахѡ, кхы хѡо йошайой аз еттаргѡа хѡона», - аѡлар на нас, кхо шу даѡннача ший йиІигага. «Ме-гаргда», - аѡнна, нана дош а денна, йиІиг дІакѡайлаяѡнна йоккха юкѡ яцар, цІе цІогІа

детташ, елхаш из юхайоагІача хана. Елхара кѡургаш а деш, йоахар бера: «Мама, мама, хІанз со бехке яцар хѡона, папас ше хий менна ваѡлча, йоккха курашка йизза хий техар сона». Из соѡае дагахѡа, нанас шорттига аѡлар Лидайга: «Ма елха, ма елха, хов сона хѡа бехк боаѡилга, мамас укх сахѡате дика еттаргѡа папайна, хѡа хоза коч цо тІоадаярах». Из цо оалача юкѡа, гучаваѡлар йиІига да. ХѡалчагІа деча хѡабоагІа маІа нах цІагІа чубоахаш вар из. Юха а цІе цІогІа даѡлар Лидайга, даѡна пІелг тІахѡежабеш, йоахар цо: «Мама, мама, дІа вода хѡона ІотІаеде, ІотІаетта цунна». Коа мел дола адам, цох сакѡердам хинна, загІе делар. Цѡабараша белам баккха йоахар: «Даѡра, цІагІа ца еттаре, бера ишта атта арг-м да-цар». ХІаѡта Софийт, маѡрцІейх озаенна, кѡайлаийккхар.



Гудантанѡанѡкъан Д. сурташ

Коазой Іабибулата ІбрахІим

ГІалгІай мехка эггара цІихеза болча нахах цаІ вар аѡнна хет сона езаѡа атлетиках вола тренер хинна Коазой Іабибулата ІбрахІим. Из вар СССР спорта мастер, СССР гІорваѡнна тренер, дунен халкѡашта юкѡерча категорех вола судхо. Цо кхебаѡа штангисташта юкѡе ба СССР, Европан, дунен, Олимпийски ловзарий чемпионаш, СССР спорта гІорваѡнна 3 мастер, СССР спорта дунен халкѡашта юкѡерча классах вола 16 мастер, СССР спорта 200 мастер.

Коазой Іабибулата ІбрахІим ваѡ хиннав 1939 шера маѡцхали бетта 20 дийнахѡа Буро тІа. 1956 шера ишкол якккха воал из. Цу хана деррига кѡам санна Сибре Іубигача баѡхаб цар дезал а. 1957 шера республикан столице Шолжа-ГІалий тІа баѡа боагІа уж. Юххѡанца цо болх бу токара гІулакх Іомадеш, цигара воаллаше ший лоІамагІа кІалкхетаргах латара секце иѡав, спортацара хѡашал дезаш вола зІамагІа саг. ТІаккха кхыѡа секце, штангист хила ловш, кѡахѡега волалу из. Цѡа шу далале, цох хул СССР спорта мастера кандидат. 1958-1961 шерашка эскаре гІулакх деш хул вай мехкахо. Цу 1961 шера хул цох СССР спорта мастер. ДІахо тренера никѡ караѡц цо, ше валлалца йолча хана цунна тешаѡе волаш хѡа а воагІа. 1970-ча шера «Динамо» яѡаѡа ЦС хѡалхале яккхара яѡашка цо кийѡаѡа нохч-гІалгІай 12 спортсменах СССР спорта мастераш хул. Цул тІехѡагІа, ІбрахІим керте оттаву Шолжа-ГІалий тІа хѡаѡа еза атлетика дегІаѡоалаѡа центра. 1977-1990 шерашка из юкѡевода СССР тренерий штабанна. Цу новкѡа цо якккхача халача урхенна дика тешал ду укх масало. Ший говзал дІаенна, воІ санна хеташ, цо кхебаѡа Арсмаѡанѡкъан Исраилах вурийтта шу даѡлча дунен халкѡашта юкѡерча классах вола мастер, кагирхошта юкѡера дунен чемпион, СССР а дунен а кубок якккхар, СССР дукхазза чемпион, дунен чемпион хиннав. ХІаѡта 1988 шера боккха кѡаѡ хилар вай республикерча наѡа санна, берригача мехкарча адамашта. Сеуле хиннаѡа Олимпийски ловзарашка ше санна болча дунен штангистел котваѡлар из.

Кастта йоѡа йолаелар Нохч-ГІалгІай республика. Дуккха нах дІабаѡа безаѡа кѡаѡчар Шолжа-ГІалий тІара. ДІаѡаѡар цигара ший дезалца ІбрахІим а, из ваѡа сеѡар Наѡсарерча «ТІаргим» яѡаѡа моттиге. 1994 шера ГІалгІайчен хѡалхарча президента Оѡшанаѡкъан Руслана амаѡах Сурхо тІа спортивни ишкол хѡае мукѡа беннабар. Кхы а цѡа шу даѡлча, болх бе а спортсменаш кхебе а йолалу из. «Сурхо» яѡаѡа цун директор вар гІорваѡнна хѡеѡамѡа. Дикка спортаѡа хѡашал дола нах вІаѡагІтеѡаѡар ІбрахІима ше доал деча клубе.

Коазой Іабибулата ІбрахІим таѡан вайѡа ваѡ, из кхелхар 2024 шера ардара бетта 25-ча дийнахѡа, бакѡда цох бола дагалоаѡам даим вай дегашка баѡаргѡа.



Коазой Нурдин

Чоапилг

Чоапилг глетташ лела баъ тла гюлла. Бларча денна хозаш да «жуж-жа». Кюр-даяй чоапилг массанена - мозашта, баскилгашта, гизгашта, зунгаташта, йилба-заговрашта, додолгашта, кормацашта, нанашта, когахьухаргашта.

- Ва, чоапилг, - йоах цунга, - салаа хайна, тхога а салаийта!

Хама дахозаш яц чоапилг, ший «жуж-жа» соцадеш яц. Хоза хет цунна баъ тла гюлла глетташ лела. Хайта «жуж-жа» цунткьамаш ду.



Пуданганьсан Д. сурт

Цаьпцилг

Бийса хьээттай. Юдуvша ха яьннай. Цхьаннахьа, уйна калха йехаш - ший илли оалаш да цаьпцилг. «Бийса хьээттай», - йоах. «Юдуvша ха яьннай», - йоах.



Кормацаш

Баъ тла дайра сона хоза зизаш, хьалха влалла дайна доацараш. Зиза даккха аьнна со юкхайдача, гайттар зизаш. Сигале хьальяьккхьа дар уж! Сигаленна догамаш дича санна хийтар.

Кормацаш – глетта зизаш!



Малав бехке?

Беки юртада волаш, вена хьээттав ши саг, шоайла кьовсавенна. Цхьаццане дувца, аьннад Беке.

Хьалхарчунга дикка ладийгад цо. Дукха хабар дийца ше йистеваьлча, цхьанне хьэттад: «Ханз ла кьоастадел, бехке ва со е вац со?»

- Хьо бакьва, новкьост, - аьннад Беке.

Из Юхайнав.

Волавеннав кьамаьл де шоллагвар, геттара ше бакьве гертташ, хьалхарчо мел дийцар харцо я, яхаш.

Ше дийца ваьлча цо а хьэттад: «Ханз лайха ел ла кхел, со бакьва е вац?»

- Хьо бакьва, новкьост, - аьннад Беке цунга а.

Гаьна воацаш хиннача Беке вола, дас денна жоп хеза, хьэттад:

- Ла царех хларанега ях, хьо бакьва, иштта хила йиш йий?

- Хьо а бакьлув, вола, - аьннад Беке.

- Тлаккха малав бакьвоацар? - аьннад вола.

- Бакьвац из Ювдал, со юрта доал де хоаваь.



Кхоартой Марет

Кьооламца хьокх

Карардар яха калама маъже Йомаш хиннад бераш. Хьехархочо, ше д'адейцар бераша мишта кхетаду хьажа дага волаш, хаьттад:

- Малаг'а маъже яр вай т'еххьара Йомашьр?
- Карардар, - жоп деннад Яне.
- Такаш мишта хьакха деза цун к'алха? – Инена б'арахьежав хьехамча.
- Кьооламца хьакха деза-кх, - аьннад Ине.



Іарчакханаькъан Сали

«Чай диад-кх...»

Хьехархочо улга т'а вахийтав Яни. Йомашьр хьадувца эттача, к'аьнка оаз геттара эсала хиннай.

- Х'ама диадаций Іа тахан? - т'а-чайхав раьза воаца хьехархо.
- Диад.
- Фу диад Іа?
- Чай диад-кх, - яьхад Яне.

Гудантанаькъан Д. сурташ

Деша бераш

Веце деша,
Язде ловш;
Хургвац в'алла
Х'ама ховш.

Деша деза,
К'аьд ца луш;
Вахар довзаш,
Хургволаш.

Ха д'айода,
Воккха хул.
Ца дешарах,
Дехкевоал.

З'амга волаш,
Кьона волаш,
Дешар деша
Атта хул.

Ха д'айода,
Лу вай кьа.
Іовдала хилча,
Да вай кьа.

Деша бераш,
К'аьд ца луш.
Хьаькьал долаш,
Хургдолаш.



Гудантанаькъан Д. сурташ

Хамхой Дауд



Деза кьахьега

Вай Даьхе тоаш,
Деза кьахьега.
Вай дезаргдоаш,
Беркатах хьега.


Дале а хала,
Дунен чу ваха.
К'аьд ца луш деза,
Дай лаьтта аха.

Цхьанна а хана,
Хиннаяц атта.
Дунен чу вахаш,
Деза саетта.

Даиман хилац,
Хьона мел дезар.
Духьалдоал хьона
Дага ца хиннар.

Вай хьинар, хьаькьал.
Кхо ца деш цунна.
Вай Даьхе тоаш,
Еза вай денна.

Вай Даьхе тоаш,
Деза кьахьега.
Вай дезаргдоаш,
Беркатах хьега.



Заамиев С.

Воккха хІана хиннав хьо?

ПхелагІа шу долаш ва Рахым. Ноанахошта гаьна йоагача юрта бах цар дезал. Бетта, шин бетта цкъа яхар санна, нанас ше даьцІа йоагІаш, хъавоалаву из. МоллагІа бер санна, тайп-тайпара ловзараш а керда куцаш а дезаш ва кІаьнк. Массанахъа кхоачаш, шийна ца дайна хІама кородоагІий хьожащ, хул из. Цул совгІа, компьютерца ловза Јомавеннав.

Цкъа цхъан дийнахъа ноанахошка венача хана, ишкапа чура доккха сурти альбоми корадуга кІаьнка. Цунна вІалла а дайнадац из. Хожа хеташ сурташкха хъежаш воаллаш, цу сурташ тІара нах шийна ца бовзандаь, наьна-вешийга каст-каста «ер малав, ер мала я» яхаш хаттараш ду цо. ТІеххъара а наьна-веший пхи-ялх шу даьннача хана даьккха сурт бІаргадайча, хоатт кІаьнка; ер малав, аьнна.

- Из со ва, хьо санна зІаьмига волча хана...

- Ай, воккха хІана хиннав хьо? Цхъана ловзаш леларг ма дарий вай, - оал Рахыма, цецваьнна, кІирвенна кертагара денз когашка кхаччалца цунна бІара а хьожащ.

- Гой хьона, хІара саг зІаьмига волаш малха а ваьле, хулаш-хулаш воккха хул. Хъажал, цхъа шу даланза волча хана, хьо мишта хиннав,- аьле, компьютер чура сурт а альбома тІара цхаьккха сурт а дІахьокх наьна-вошас кІаьнкага.

- Со а иштта зІаьмига хиннав?- цецвоал Рахым.

- Хиннав-те, укх дунен чура хІара саг а санна зІаьмига хиннав, тІаккха саббаре воккха хиннав, каста со миссел хургва хьо.

- Хьо санна воккха хургва со?- хоатт кІаьнка.

- Хургва, даьра.

- Кхийтар со, - оал Рахыма, доккха са а даьккхе.



Хамхой Жимсари

Хьалхара лоа

- Дади, хъажал корах ара,-
Іалайга цІогІа детт.
КІай бедаргаш сигалара
Вай коа тІа Іолег.

Хъажал, дади, вай беша а
Уж мел дукха я.
Морхий гІайбашкара Іолег уж.
Сона из ховш ма дий.

Дади хъежаш латт корага,
Іалайгах из вел:
- Ай, ва Іалайг, хаций хьона
Из кІай лоа долга.

- Хьадагадехар сона, дади,
Лоа ма дий из, лоа.
Цох лоа оалилга виц а вена,
Харц ма луврий со!



Бийса

- Іав, Іав, - яхаш, юрта йисте
ЖІалеш Іехаш да.
Цар гІарах кхераенна
Хади елхаш я.

- Баба, вайцига доагІаргдий уж?
Со царех, «оффай», кхер.
Доккха са а доахаш, бабайна
Хади юхеера.

- Ай, Іойижа, гаьна да уж;
Цар хьона хІама дергдац.
Юрта кьу чувоагІаргвоацаш
Ха деш мара уж дац!

- Дика дий уж хІаьта, баба?
- Да, даьра, дика да.
Хьо тхъайсача, хъа наб лораш
Уж кьахъегаш да.




Калойи кІазилги

Каста-каста балхара мукъа болча дийнахъа, хъун йисте салаІа болх Ломберди Миновсии, шоай ворхІ шу даьннача кІаьнкаца. Калой укх шера мара вахавац деша, цудухъа цун самукъадаккха а, цхъацца дола дийнаташ цунна довзийта а уйла йолаш, Ломберда дагадеха хІама да из, тІаккха Миновси а раьза хиннай, ший кІаьнка товр хилар дезаш.

Тахан а, хьалха санна, лоамара Іо-доагІача Эса йисте, хьалххе а гулдаьча докъаденнача дахчех цІи а йийза, цу тІа дехъеи-сехъеи йоккхагІа йолча ткъовронех ши ІаддаргІа а егІа, дулха даттараш кийчде волалу Ломберд. ТІаккха фусам-нана хъоарах олгаш де, аьнна, ноанал тІа эттар. Цхъа гІийла, сих ца луш доагІа тахан Эса, цхъацца йолча метте хи чу Іочуохкаенна гаьний ткъовронаш хиво цкъа дІаувзаеш, тІаккха

дІа а хецаш, дІай-хІай лестаю. Гаьнаш тІа бІенаш даьча оалхазарий Іимадаш-м тал-гІений гІар гІийла локхача пандара оаз мо хетийт. Мух а тем болаш хьекх, ахкан дийнахъа-м эшаш бар из, амма цІерах сов чІоа-гІа мух хьекхача тов хъаялац-кха. БІарг белабеш да Іалам, лоамаша дегашта сатем лу, гаьнна гІалаш а я, ширача заман викалаш санна, наьха вахар Іалашде оарц дахъаш мо хьежаш. Морх а яц сигала, ахкан бІайха малх ба лаьтта доагаде санна, дуне сийр-дадаьккха моажаярг мо сигала оллабенна уллаш.

ЧІоагІа самукъадаьнна удаш лел Калой, массаза лоам болхаш хозахеташ, ший ханнахъа хІамаш кийч а яь, хьежаш хул из ди хьатІакхачарга. ХІанз а дог гІоздаьнна Эсачура чкъаьрий бІаргадайна, царна тІехъа уд Калой хин йисте да. «Дукха юхе ма гІолахъ хина...» - яхаш каст-каста дас лораву, хІаьта, цхъацца йолча хана тІаьдача кхерий тІа ког ІотІалайзача, ша тІа вьлча мо лайже,



хоттала-м вож Калой, хи чу ца вожаш, дика а вус сов сиха удаш вале а, кадай хиларах. Чкъаьрий кІордадича, кІормаца тІаний-слу укхун теркам, хІанз-м соца ма вилла хургва ер, кІормац-м го боахаш мича лел, дІа гІолла дІа ма додий из-м, хьал-Іо дувлаш, ший хоза ткъамаш а детташ. Шийга кхайкаш нана хъа а ца хозаш, хьалъяьннача йоархІашта тІагІолла кхувса а луш, хъуна-гІа Іочувода Калой, наг-нагахъа лаьттах Іо а кхеташ.

ЦІаьхха, гаьнашта юкъе цхъа кІазилг хозу укхунна, цІог а лестадеши латташ. Цкъарчоа берза кІаза я мотташ юхавоал Калой, амма кІазилг шийна хьатІайолаелча кхет ер, из жІале кІазилг хиларах, хьалха дас сурта тІа царна юкъера башхал йовзийтарах. Бокъонца шийна совгІат хилча санна, хъа а ийце, хьесташ ха йоаккх Калойс кІазилгаца. ТІаккха хьалха-тІехъа удаш болхаш «В-а-а-а, Калой?!» - яхаш кхайкаш нана а,

цунна тІехъа даь а оазаш хоз укхунна. - «Фу ях оаш, укхазе ва со!» - аьнна хьагучавоал Калой. - «Далла ба хоадам! Оаха хъо лежа бІарчча ди дІа ма даьннадий, ва Калой, ай, мича вахавар хъо?!» - яхаш, дог чІехкаш, мархІавехк Миновсе ший воІ. Фу хиннад ца кхетадеш, царга хьеж Калой, малх чубизара цо терко а яьц. КІазилг а акхар еча гІарех кхераенна яле а, е ший декхар кхоачашдаь яьннай аьлча санна, яйна дІа-ьялар, кІаьнка гучаььннача тайпара. Калой хъунагІара араваккхар духъа, Дала оттадаь бахъан хиннад цо кхоачашдаь, ишта ца хилча мичахъара йоагІар хъун юкъера жІале кІазилг берташта юхе? Дале а Калой из яйна цІимхара вийрзар, амма шоай кІаьнк дийна а волаш хьакораваь, деррига хІама дицденна, шоаш лотаяь цІи хий тежа дІа а йоаяь, цІенгахъа баха баьлар Ломберди Миновсии, кхы шоай кІаьнка тІера бІарг ца баккха чІоагІо а яь.